



REPUBLIKA E SHQIPËRISË  
**ENTI RREGULLATOR I ENERGJISË**  
**BORDI**

**VENDIM**

**Nr. 258, Datë 21.12.2020**

**MBI**

**MBI KORRIGJIMIN E PAGESAVE RREGULLATORE PËR VITIN 2020 PËR DISA NGA TË LICENCUARIT E SEKTORIT TË ENERGJISË**

Në mbështetje të nenit 17, pika 4, të Ligjit nr. 43/2015 “Për sektorin e energjisë elektrike”, i ndryshuar, nenit 14, të Ligjit nr. 102/2015 “Për sektorin e gazit natyror”, i ndryshuar; nenet 5, pika 5.4 dhe 6, pika 6, pika 6.1.1, 6.4, neni 7 i “Rregullores për përcaktimin e miratimit e pagesave rregullatore”, miratuar me vendimin e bordit të Entit Rregullator të Energjisë (ERE) nr.190, datë 23.11.2017, i ndryshuar me vendimin nr. 129, datë 10.08.2020; nenit 15 të “Rregullores së organizimit, funksionimit dhe procedurave të ERE-s”, miratuar me vendimin e bordit të ERE nr. 96, datë 17.06.2016, bordi ERE, në mbledhjen e tij të datës 21.12.2020, pasi shqyrtoi relacionin nr. 135/19 Prot, datë 18.12.2020, të Drejtorisë së Tarifave dhe Çmimeve, mbi korrigjimin e pagesave rregullatore për vitin 2020 për disa nga të licencuarit e sektorit të energjisë,

**Konstatoi se:**

- Bordi i ERE me vendimin nr.171, datë 04.11.2020, vendosi: “Mbi llogaritjen e pagesave rregullatore për vitin 2020”;
- Me anë të shkresës nr. 237, datë 16.12.2020, shoqëria “Hydro Seta” sh.p.k ka kërkuar rishikimin e pagesës rregullatore të vitit 2020 të miratuar me vendimin nr. 171/2020 të bordit të ERE, duke përcjellë pasqyrat financiare të shoqërisë për vitin 2019, në të cilat evidentohen të ardhurat e realizuara të shoqërisë;
- Në vijim të kësaj kërkesë, u krye një rikontroll, prej të cilit rezultoi një pasaktësi lidhur me të ardhurat e marra në konsideratë gjatë llogaritjes së pagesës rregullatore për subjektin “Hydro Seta” sh.p.k;
- Mbas saktësisë të të ardhurave, rezultoi se pagesa rregullatore 2020 për këtë subjekt është llogaritur në një vlerë më të lartë, e si rrjedhojë aplikimi i saj nuk do të ishte i drejtë në aspektin ligjor dhe rregullator si dhe në frymën e bashkëpunimit reciprok me një të licencuar në kohën kur pika 3 e vendimit 171/2020, detyron kryerjen e pagesës rregullatore ndaj ERE, jo më vonë se 30 ditë nga botimi në Fletoren Zyrtare të vendimit sipërcituar.
- ERE vlerësoi të nevojshme të vijonte me kontrollin e të ardhurave të marra në konsideratë për përcaktimin e pagesave rregullatore dhe për shoqëritë e tjera të licencuara nga ERE nga ku rezultuan dhe pasaktësi të tjera.

- Gjatë këtij kontrolli, u evidentua se është llogaritur pagesë rregullatore dhe për shoqëri të cilave i ka përfunduar licenca gjatë vitit 2020, si dhe nje shoqëri e cila nuk ishte përfshirë në llogaritjen e pagesave rregullatore për vitin 2020.
- Pasaktësitë e konstatuara gjatë kontrollit mbi regjistrimin e të ardhurave që kanë shërbyer për llogaritjen e pagesës rregullatore, lidhen me faktin se një pjesë e këtyre subjekteve nuk kanë raportuar llogaritë e ndara nga aktivitetet e tjera që ata ushtrojnë, detyrim ky i përcaktuar në pikën 1 të nenit 35 të Ligjit 43/2015 “Për Sektorin e Energjisë Elektrike” i ndryshuar, e si rrjedhojë të ardhurat e marra në konsideratë nuk kanë qënë nga ushtrimi i aktivitetit të licencuar.
- Për një pjesë të të licencuarve të cilëve i janë konstatuar pasaktësi në llogaritje, ERE ka përlllogaritur këtë pagesë mbi bazën e vlerësimeve nga të dhëna të marra nga Publikime Zyrtare, në zbatim të pikës 6.4 të Rregullores për përcaktimin e miratimit e pagesave rregullatore, për arsye të mos dërgimit të pasqyrave financiare të plota/audituar, si një detyrim i përcaktuar në pikën 1 të nenit 46 të Ligjit 43/2015 “Për Sektorin e Energjisë Elektrike”, i ndryshuar.
- Për një pjesë të të licencuarve u evidentuan disa lapsuse në regjistrimin e të ardhurave, të cilat kanë ardhur për shkak të kushteve të vështira të punës online të shkaktuara prej pandemise Covid-19.
- Mbas saktësisë të të ardhurave, rezulton një rishpërndarje e re e pagesës rregullatore 2020, jo vetëm për subjektet, subjekt i këtij vendimi por dhe për të gjithë të licencuarit e tjerë që operojnë në tregun e energjisë elektrike dhe gazit natyror.
- Efektet e korrigjimit të pagesës rregullatore për të licencuarit e tjerë, të cilët të ardhurat e konsideruara sipas përcaktimeve të pikës 6.1.1 janë regjistruar saktë, do të korrigjohen në llogaritjen e pagesës rregullatore të periudhës pasardhëse.

Për gjithë sa më sipër cituar, bordi i ERE-s,

### **Vendosi:**

1. Korrigjimin e pagesës rregullatore për vitin 2020 vetëm për shoqëritë e licencuara të përcaktuara në pikën 1 të vendimit nr.171, datë 04.11.2020, sipas tabelës bashkëlidhur këtij vendimi.
2. Diferencat që rezultojnë nga korrigjimi i pagesës rregullatore të vitit 2020 për shoqëritë e licencuara sipas tabelës bashkëlidhur këtij vendimi, për efekt të buxhetit të ERE miratuar me vendimin nr. 22, datë 30.01.2020 të bordit të ERE, do të alokohen në llogaritjen e pagesës rregullatore të periudhës pasardhëse tek të gjithë të licencuarit e sektorit të energjisë që nuk janë subjekt i këtij vendimi.
3. Të licencuarit subjekt i këtij vendimi (sipas tabelës bashkëlidhur) duhet të kryejnë pagesat rregullatore ndaj ERE, jo më vonë se 30 ditë nga botimi në Fletoren Zyrtare i këtij Vendimi, në të kundërt, ERE mbështetur në nenin 107 të Ligjit nr.43/2015 “Për Sektorin e Energjisë Elektrike”, i ndryshuar ndëshkon me gjobë deri në 3 për qind të të ardhurave të vitit paraardhës të të licencuarit, si dhe ka të drejtë të aplikojë një kamatëvonesë mbi vlerën e pagesës rregullatore, në masën e 0.2 % të xhiros ditore për çdo ditë vonesë në pagesën e saj

4. Drejtoria e Financës dhe IT, të njoftojë palët e interesit për vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga të licencuarit në sektorin e energjisë elektrike ose brenda 45 ditëve kalendarike nga dita e publikimit në Fletoren Zyrtare për të licencuarit në sektorin e gazit natyror.

Ky vendim botohet në Fletoren Zyrtare

**KRYETARI I ERE**  
**Petrit AHMETI**

<b>I</b>	<b>Liçensë për prodhim</b>	<b>Pagesa Rregullatore 2020 e saktësuar</b>	<b>Pagesa rregullatore 2020 (Vendimi 171/2020)</b>
1	“ELEKTRO LUBONJA” sh.p.k	7,707	11,790
2	“Sarolli” sh.p.k	37,083	83,098
3	“Hidropowerplant Construction” sh.p.k.	168,693	371,137
4	"C & S ENERGY" sh.p.k	672,660	690,281
5	DAAB Energy Group sh.p.k	121,030	125,530
6	”EUROBIZNES” sh.p.k	4,523	102,595
7	“Hydro Seta” sh.p.k	413,203	1,969,594
8	“DERBI – E” sh.p.k.	20,776	109,125
	<b>Total</b>	<b>1,445,675</b>	<b>3,463,152</b>
<b>V</b>	<b>Liçensë për furnizim të energjisë elektrike /gazit natyror</b>	<b>Pagesa Rregullatore 2020 e saktësuar</b>	<b>Pagesa rregullatore 2020 (Vendimi 171/2020)</b>
1	"Electral" sh.p.k	-	100,000
	<b>Total</b>	<b>-</b>	<b>100,000</b>
<b>VI</b>	<b>Liçensë për tregtim të energjisë elektrike /gazit natyror</b>	<b>Pagesa Rregullatore 2020 e saktësuar</b>	<b>Pagesa rregullatore 2020 (Vendimi 171/2020)</b>
1	”Hidropower Elektrik” sh.p.k	100,000	-
	<b>Total</b>	<b>100,000</b>	<b>-</b>
<b>VI</b>	<b>Liçensë për tregtim të energjisë elektrike /gazit natyror</b>	<b>Pagesa Rregullatore 2020 e saktësuar</b>	<b>Pagesa rregullatore 2020 (Vendimi 171/2020)</b>
1	"Gaea-Energjia alternative e gjelber" sh.p.k	-	100,000
2	"Electral" sh.p.k	-	100,000
3	"Anio Oil&Gas"sh.p.k	-	258,329
	<b>Total</b>	<b>-</b>	<b>458,329</b>
	<b>Emertimi</b>	<b>Pagesa Rregullatore 2020 e saktësuar</b>	<b>Pagesa rregullatore 2020 (Vendimi 171/2020)</b>
	<b>Total</b>	<b>1,545,675</b>	<b>4,021,480</b>